



სამედიცინო კანკეთი

თბილისის სახელმწიფო სამედიცინო
უნივერსიტეტის გამოცემა

გამოცემის 1957 წელიდან

№ 7 (385) სექტემბერი, 2025 წელი

გილოცავ

შენ თსუ-ელი ხარ



2025-2026 სასწავლო წელი

გიგოცავი ახალ 2025-2026 სასწავლო წელს



კიდევ ერთი ახალი სასწავლო წელი იწყება საუკუნეზე მეტი ისტორიის მქონე თბილისის სახელმწიფო სამედიცინო უნივერსიტეტში. ჩვენ წლიდან წლამდე თვალს ვადევნებდით აკადემიურ პროცესს, გავხდით სტუდენტებისა და კურსდამთავრებულების არაერთი წარმატების მოწმე... ჩვენ თვალწინ ვითარდება ინფრასტრუქტურა, იზრდება თსუ-ის კლინიკების რაოდენობა – სულ მალე ერთი ახალი, – მენტალური ჯანმრთელობის კლინიკა შეემატება თბილისის სახელმწიფო სამედიცინო უნივერსიტეტის საუნივერსიტეტო კლინიკების რიცხვს. ასეთი მოცემულობით სათქმელიც ბევრია და საამაყოც.

ტრადიციულად, სასწავლო წლის დაწყებამდე, ვენვით თბილისის სახელმწიფო სამედიცინო უნივერსიტეტის რექტორს, პროფესორ ირაკლი ნატროშვილს და ვთხოვეთ, კიდევ ერთხელ შეეფასებინა გასული სასწავლო წელი:

– საკმაოდ რთული იყო გასული – 2024-2025 სასწავლო წელი, ბევრი გამოწვევის წინაშე ვიდექით, თუმცა დღეს შეიძლება თამამად ითქვას, რომ ამ წელმა წარმატებულად ჩაიარა. თუ ვისჯვლებთ სტუდენტთა მიღწევებით, გარდა იმისა, რომ მათ შეძლეს სასწავლო სემესტრების დასრულება, მომდევნო სემესტრზე გადასვლა, ბოლოსემესტრულზე – უნივერსიტეტის დასრულება და დიპლომის აღება, იყო სხვადასხვა წარმატებაც, როგორც საერთაშორისო ასპარეზზე, ისე საქართველოში. წარმატებული წელი იყო აკადემიური პერსონალის წარმომადგენლებისთვისაც. ჩვენ ყოველთვის ავსახავთ მიმდინარე მოვლენებს თბილისის სახელმწიფო სამედიცინო უნივერსიტეტის ოფიციალურ ვებგვერდზე (TSMU.EDU) და თქვენ შეგიძლიათ ნახოთ, რამდენი ასეთი ფაქტია დაფიქსირებული... მინდა ყველას მივულოცო წარმატება და ვუსურვო წინსვლა მომავალშიც.

ალსანიშნავია, რომ გასულ სასწავლო წელს ბევრი ახალი პროექტის განხორციელება დაიწყო, რომელიც სასწავლო პროცესის მოდერნიზაციას ითვალისწინებს. გარკვეული სიახლეები სატესტო რეჟიმ-

ში დაინერგა და ძალიან კარგი შედეგით დასრულდა. იმედი მაქვს, ახალ სასწავლო წელს კიდევ უფრო მეტად ვიგრძნობთ ახლად დაინერგული მეთოდების სიკეთეს.

– **ალსანიშნავია ისიც, რომ მიმდინარეობს ძალიან მნიშვნელოვანი ინფრასტრუქტურული პროექტები, რასაც გავლენა ექნება სწავლის ხარისხის კიდევ უფრო ამაღლებაზე... მაგალითად, ახალი საუნივერსიტეტო კლინიკების მშენებლობა...**

– ბევრი ინფრასტრუქტურული პროექტი ერთ წელზე მეტი ხანია, რაც დაიწყო და მიმდინარეობს, მათ შორის – თსუ-ის მულტიფუნქციური შენობის, სტუდენტთა საერთო საცხოვრებლის და სასტუმროს, მენტალური ჯანმრთელობის კლინიკის მშენებლობები. გეთანხმებით, რომ ჩამოთვლილი დიდი პროექტები აუცილებლად იქონიებს დადებით გავლენას სტუდენტთა განათლებისა და მათთვის კომფორტული სასწავლო პროცესის შექმნის თვალსაზრისით.

ასევე, ახალი სასწავლო წლისთვის დასრულდება რამდენიმე მიმდინარე პროექტი, მაგალითად, ადმინისტრაციული კორპუსის პირველი სართულის სარემონტო სამუშაოები, რის შემდეგაც, ეს სართული თანამედროვე იერს მიიღებს და მაქსიმალურად კომფორტული გახდება.

მიმდინარეობს პირველი კორპუსის გამაგრების სამუშაოები, აქვე მოეწყობა დიდი სივრცე სტუდენტებისთვის, სადაც შეძლებენ, იმეცადინონ, დაისვენონ...

– **რა იქნება პრიორიტეტული ახალ, 2025-2026 სასწავლო წელს თბილისის სახელმწიფო სამედიცინო უნივერსიტეტისთვის?**

– რა თქმა უნდა, ის პრიორიტეტები, რაც, ზოგადად, უნივერსიტეტს აქვს, ახალ წელზეც გავრცელდება. ახალ სასწავლო წელს პრიორიტეტულად მივიჩნევ იმ ცვლილებების იმპლემენტაციას, რომელიც დაგეგმეთ და ვამზადებთ სასწავლო პროცესში დასაინერგად. ეს ეხება მე-8–მე-12 სემესტრის, ჯერჯერობით მხოლოდ დიპლომირებული მედიკოსის ქართულენოვანი პროგრამის სტუდენტებს. ძალიან საინტერესოა და მოუთმენად ველოდებით ამ ცვლილებებს.

– **კერძოდ, რას მოიცავს ეს ცვლილებები?**

– ეს გახლავთ სტუდენტებისთვის კლინიკაში პრაქტიკული მეცადინეობისთვის მეტი დროის გამოყოფა, ადაპტაციის გაცილებით დიდი შესაძლებლობა. ბევრი განვითარებული ქვეყნის მაგალითზე, მედიცინის სწავლება ამ მეთოდით ძალიან ეფექტურია. ჩვენ, ამ კონკრეტულ შემთხვევაში, ვცდილობთ, ამერიკის შეერთებული შტატების ემორის უნივერსიტეტის (ატლანტა) სილაბუსებს მივუახლოვოთ ჩვენი სილაბუსები.

ასევე, მნიშვნელოვანი ცვლილებაა მინი OSCE-ის გამოცდების დაინერგვა. ესეც ძალიან ეფექტური იქნება და ვფიქრობ, კარგ შედეგს გამოიღებს.

მუშაობა მიმდინარეობს აკადემიური პროცესის გაუმჯობესებისთვის სტომატოლოგიის, საზოგადოებრივი ჯანდაცვის, ფარმაციის, ფიზიკური მედიცინისა და რეაბილიტაციის ფაკულტეტებზე, საექთნო საქმის და საბაკალავრო საქმის პროგრამებზე... ყველგან ერთდროულად ვერა, მაგრამ ეტაპობრივად ყველგან იქნება ცვლილებები.

– **თქვენ არაერთხელ გითქვამთ, რომ, ზოგადად – უმაღლესი სასწავლებლის – უნივერსიტეტის მთავარი ღირებულება სტუდენტია. თუ შეიძლება, ეს თემა უფრო დეტალურად რომ განვიხილოთ: თქვენ, როგორც აკადემიური პერსონალის წარმომადგენელი, მასწავლებელი – სასწავლო პროცესის მიმდინარეობისას როგორ იცავთ ამ მთავარ ღირებულებას – რა არის აუცილებელი მისი დაცვისა და შენარჩუნებისთვის: ლიბერალური დამოკიდებულება, შესაძლებლობების ფარგლებში მაქსიმალურის მკაცრად მოთხოვნა, პასუხისმგებლობის განვითარება, თუ კიდევ სხვა რამ...**

– ვფიქრობ, მთავარია სწორი შუალედის მოძებნა. საჭიროა მოთხოვნაც და საჭიროა თანაგრძნობაც... ოღონდ ეს ისე უნდა მოხდეს, რომ არ შეილახოს სტუდენტთა უფლებები. სამწუხაროდ, არსებობდა გადაცდომები, რომელთა აღმოსაფხვრელად, ჩვენ ყოველთვის ვახდენდით რეაგირებას. სტუდენტი რომ მთავარი ღირებულებაა, – ეს არ საჭიროებს დამტკიცებას, ამ „ღირებულების დაცვის“ მთავარი საზომი ისაა, თუ რამდენად მაღალი სტანდარტის განათლებას მისცემ სტუდენტს, როგორ პროფესიონალს ჩამოაყალიბებ. სწორება სწორედ ამ მიზნისკენ უნდა გქონდეს.

მნიშვნელოვანია სტუდენტის აზრის, უფლებების პატივისცემა...

მინდა, ჩვენი კურსდამთავრებულები იყვნენ მაღალი კვალიფიკაციისა და მაღალი მოქალაქეობრივი პასუხისმგებლობის პროფესიონალები.

ჩვენს უნივერსიტეტში ყველა ფაკულტეტზე ეუფლებიან პროფესორებს, რომელიც უკავშირდება ადამიანის სიცოცხლის, მისი ხარისხის დაცვა-გაუმჯობესებას. ეს ჰუმანური და ძალიან დიდი პასუხისმგებლობის საქმეა. ემსახურო ადამიანს – ეს უმნიშვნელოვანესია. მინდა, ყველა სტუდენტი ფიქრობდეს ამაზე და იაზრებდეს, რომ ადამიანების მიმართ მათი დამოკიდებულება უაღრესად პასუხისმგებლიანი და შემწყნარებლური უნდა იყოს. როგორც ვაჟა-ფშაველა ამბობდა, განათლება ზნობის გარეშე არაფერია. ეს სიტყვები, მით უფრო, ესადაგება სამედიცინო განათლებას.

– **„ტრადიციებით მომავლისკენ“ – ეს თბილისის სახელმწიფო სამედიცინო უნივერსიტეტის სლოგანია. წარსულის და მომავლის გააზრება კაცობრიობის ერთ-ერთი ყველაზე რთული მისიაა, იგივე იქნება ლოკალურ, საუნივერსიტეტო სივრცეშიც. რა არის ძველი, რა – მოძველებული, რა – ტრადიციული, რა – აუცილებელი სიახლე და რა – მოსაფიქრებელი – ეს ყველაფერი შეიძლება ამ სლოგანში იყრიდეს თავს... რას გვეტყვით ამაზე?**

– თბილისის სახელმწიფო სამედიცინო უნივერსიტეტი, რომელსაც საუკუნეზე მეტი ხნის ისტორია აქვს და, შესაბამისად, ტრადიციებიც, მართლაც გამორჩეული საგანმანათლებლო კერაა, არა მარტო საქართველოში, ამიერკავკასიის რეგიონშიც. ჩვენ ვცდილობთ, არ დავკარგოთ არც ერთი ღირებული ტრადიცია. ასევე, ვზრუნავთ, რომ ყველა სიახლე დაინერგოს და ის გამოცდილებაც, რაც საუკუნის მანძილზე პრაქტიკული საქმიანობით დაგროვდა აკადემიურ პერსონალსა და პრაქტიკოს მედიკოსებში, არ დაიკარგოს. ქართველი მოაზროვნის, არჩილ ჯორჯაძის სიტყვებია: „ვფიქრობ, ცოდნა მჭიდროდაა დაკავშირებული გამოცდილებასთან. ის, რაც გამოცდილებაში არ არის მოცემული, ვერც თეორიაში იბოვებს თავის ადგილს“... მიდგომა უნდა იყოს კომპლექსური, ეს არის ჩვენი სლოგანის არსიც.

– **დღეს – ახალი სასწავლო წლის დაწყებისას, ყველაზე აქტუალური თემა სტუდენტების ახალი თაობა – პირველსემესტრელები, რომლებმაც სეროიზული კონკურენტის პირობებში აისრულეს ოცნება და თბილისის სახელმწიფო სამედიცინო უნივერსიტეტის სტუდენტები გახდნენ. რას ეტყვით მათ?**

– უპირველესად, მაღლობა მინდა გადავუხადო ყველა ახალგაზრდას, რომელმაც აირჩია თბილისის სახელმწიფო სამედიცინო უნივერსიტეტი. ვისაც სურს მედიცინის, სტომატოლოგიის, საზოგადოებრივი ჯანდაცვის სპეციალისტის, ფარმაციის, რეაბილიტოლოგიის, ექთნის პროფესიებს დაეუფლოს, სწორი გადაწყვეტილება მიიღო, რომ თბილისის სახელმწიფო სამედიცინო უნივერსიტეტის პირველსემესტრელი გახდა, – იმ ინსტიტუციის ნაწილი, რომელიც საუკეთესოა ამ სფეროში. ვულოცავ ამ დიდ წარმატებას! მათ თავისი ცხოვრების მნიშვნელოვანი ეტაპი გადალახეს, წინ კიდევ არაერთი გამოწვევა ელით. იმედი მაქვს, თითოეული მათგანი ბევრს მიაღწევს მომავალში და მათი კარიერული წინსვლა დიდ სამსახურს გაუწევს ქვეყანას.

პირველსემესტრელებთან ერთად, ყველა უნივერსიტეტელს ვულოცავ ახალი სასწავლო წლის დაწყებას! წარმატებებს გისურვებთ!

ისაუბრა ლულა გუპანიანი



გილოცავთ ახალ 2025-2026 სასწავლო წელს



ძვირფასო სტუდენტებო!

კეთილი იყოს თქვენი მობრძანება თბილისის სახელმწიფო სამედიცინო უნივერსიტეტში!

გილოცავთ ერთიან ეროვნულ გამოცდებზე მოპოვებულ წარმატებას! ეს თქვენს ცხოვრებაში მნიშვნელოვანი ეტაპია, რაც, უდავოდ, უდიდესი ძალისხმევითა და თავდადების შედეგია. თქვენ აირჩიეთ რთული, მაგრამ ჭეშმარიტად კეთილმოტივირებული გზა – ექიმის პროფესია. ადამიანის სიცოცხლეზე ზრუნვა დიდი პატივია, პირადი და სოციალური პასუხისმგებლობა! მინდა მუდამ გახსოვდეთ, რომ თქვენი მიზანი პაციენტების და საზოგადოების ჯანმრთელობის და კეთილდღეობის გაუმჯობესებაა. მედიცინა მტკიცებულებებზე დაფუძნებული და სიახლეებით სავსე მეცნიერების დარგია, ამიტომ ეძიეთ სიახლე და თქვენი პროფესიული ცხოვრება აუცილებლად ძალიან საინტერესო იქნება.

თბილისის სახელმწიფო სამედიცინო უნივერსიტეტში ჩვენ მზად ვართ, დაგეხ-

მართ ამ რთული, მაგრამ ძალიან საინტერესო გზის გავლაში და თქვენთან ერთად ვიზეიმოთ საერთო წარმატებები! ჩვენი გამოცდილი აკადემიური გუნდის ხელმძღვანელობით, მონივნე საგანმანათლებლო და სამედიცინო ტექნოლოგიებით, ინტეგრირებული სასწავლო გეგმითა და ინოვაციური სწავლების მეთოდებით, მზად ვართ, მოგანოდოთ ყველაფერი, რაც წარმატებისთვის გჭირდებათ.



სტაჟირება ჩვენს საუნივერსიტეტო კლინიკებში და მილოთ მონაწილეობა მრავალ გაცვლით პროგრამაში. ჩვენი მიზანია ახალი ცოდნის შექმნა და გაზიარება, კურსდამთავრებულების ადგილობრივ და საერთაშორისო პროფესიულ საზოგადოებაში ინტეგრაცია, ჯანდაცვის სისტემის განვითარებაში წვლილის შეტანა და, რა თქმა უნდა, ადამიანების სიცოცხლის ხარისხის გაუმჯობესება.

დარწმუნებული ვარ, რომ ერთიანი ხედვით, მონდობითა და მიზანსწრაფვით აუცილებლად შევძლებთ თანამედროვე მედიცინის კვალდაკვალ სიარულს და მომავალში, თქვენთან ერთად, ბევრ მიღწევას და სიხარულს გავიზიარებთ!

პატივისცემითა და კეთილი სურვილებით,

პროფესორი თინათინ ტყეშელაშვილი, მედიცინის ფაკულტეტის დეკანი

სტუდენტური თვითმმართველობა თითოეული თქვენგანის გვეხდით



ძვირფასო სტუდენტებო, გილოცავთ ახალი სასწავლო წლის დაწყებას!

განსაკუთრებული სიბოთით და გულწრფელი ემოციით მინდა მივულოცო ჩვენს პირველკურსელებს – თქვენ, ვინც მნიშვნელოვან გზას და საპასუხისმგებლო პროფესიას ირჩევთ!

მოხარული ვართ, რომ თქვენი არჩევანი თბილისის სახელმწიფო სამედიცინო უნივერსიტეტი – სივრცე, სადაც იწყება პროფესიული ჩამოყალიბების, განვითარებისა და მეგობრული ურთიერთობების საინტერესო გზა. უნივერსიტეტი მხოლოდ საგანმანათლებლო დაწესებულება არ არის – ეს არის ოჯახი, რომლის ცენტრშიც ხართ თქვენ – სტუდენტები!

წინ გელით საინტერესო წლები, როცა: მიიღებთ არა მხოლოდ თეორიულ ცოდნას, არამედ პრაქტიკულ გამოცდილებას; შეიძენთ მეგობრებს, რომელთაც მთელი ცხოვრება თან გაგყვებათ;

შექმნით კავშირებს, რომლებიც მომავალში უამრავ კარს გაგიღებთ – საქართველოში თუ მის ფარგლებს გარეთ.

სტუდენტური თვითმმართველობა თქვენი სივრცეა – აქ დაგხვდებათ ინიციატივების თავისუფლება, უამრავი საინტერესო პროექტი, მხარდაჭერა და შესაძლებლობა, რომ იყოთ საუნივერსიტეტო ცხოვრების თანაშემოქმედნი.

ჩვენი მიზანია თქვენი ყოველდღიური გაგზავნა აქტიური, საინტერესო და მინარსით მდიდარი – ვზრუნავთ თქვენი როგორც პროფესიული, ისე პიროვნული უნარების განვითარებისთვის.

თსუ-ის სტუდენტური თვითმმართველობა თანამშრომლობს როგორც ადგილობრივ, ისე საერთაშორისო პარტნიორებთან და წელსაც გეძლევათ შესაძლებლობა, ჩაერთოთ მრავალფეროვან, მასშტაბურ და შთამაგონებელ სტუდენტურ აქტივობებში.

გისურვებთ, რომ ერთ-ერთი მნიშვნელოვანი ეტაპი – სტუდენტობის წლები – ყველაზე ლამაზ და დასამსხვრებელ პერიოდად იქცეს თქვენს ცხოვრებაში, ჩვენ კი თქვენ გვერდით გვიგულეთ ამ გზაზე!

კეთილი იყოს თქვენი მობრძანება თბილისის სახელმწიფო სამედიცინო უნივერსიტეტში!

შალვა გვარამია, სტუდენტური თვითმმართველობის პრეზიდენტი



პირველსემესტრელებო, თბილისის სახელმწიფო სამედიცინო უნივერსიტეტის მრავალეროვანი სტუდენტებო, გულითადად გილოცავთ ახალი 2024-2025 სასწავლო წლის დაწყებას!

ყველა მიღწევა, რომელიც თბილისის სახელმწიფო სამედიცინო უნივერსიტეტს აქვს და რომლისთვისაც თსუ-ის აკადემიური და ადმინისტრაციული პერსონალი გამუდმებით მუშაობს, თქვენს სამსახურშია. მთავარია, მაქსიმალურად გამოიყენოთ ეს შესაძლებლობები განათლების მისაღებად, პროფესიული ზრდისთვის.

2018 წელს, პირველად საქართველოს მასშტაბით, თბილისის სახელმწიფო სამედიცინო უნივერსიტეტში შეიქმნა ახალი ფაკულტეტი – მედიცინის საერთაშორისო ფაკულტეტი, რომელიც ერთ ნელინადმი მედიცინისა და სტომატოლოგიის საერთაშორისო ფაკულტეტად გადაკეთდა. ეს, ცხადია, განპირობებული იყო უცხოურენოვანი საგანმანათლებლო პროგრამებით დიდი დაინტერესებით, რასაც სწავლის მაღალი სტანდარტი განაპირობებს.

მაქსიმალური ზრუნვა სწავლების მაღალ ხარისხზე, ცხადია, უკვალოდ არ ქრება და თბილისის სახელმწიფო სამედიცინო უნივერსიტეტი უფრო და უფრო მიმზიდველი ხდება საერთაშორისო აბიტურიენტებისთვის, რისი დასტურიცაა მედიცინის ინგლისურენოვან და რუსულენოვან პროგრამებზე სწავლის მსურველთა რაოდენობის მკვეთრი მატება.

დღესდღეობით მედიცინისა და სტომატოლოგიის საერთაშორისო ფაკულტეტზე სწავლობს 3400-ზე მეტი დიპლომამდელი განათლების უცხოურენოვანი სტუდენტი მსოფლიოს 81 ქვეყნიდან. აქ ყველაფერი კეთდება, რომ მათ სწორად განსაზღვრონ პრიორიტეტები,

გახდნენ გლობალური კომპეტენციის მქონე კურსდამთავრებულები, რათა სათანადოდ უპასუხონ თანამედროვე გამოწვევებს. მედიცინისა და სტომატოლოგიის საერთაშორისო ფაკულტეტის მიზანი, ამოცანები და საქმიანობის ძირითადი მიმართულებებია:

- ❖ მაღალკვალიფიციური სპეციალისტების მომზადება; სასწავლო და სამედიცინო-კვლევითი მიმართულებების, პროგრამებისა და გეგმების შემუშავება და განხორციელება;

- ❖ ფაკულტეტის საგანმანათლებლო პროგრამების განხორციელება სამედიცინო კვლევის თანამედროვე მეთოდების ათვისებითა და შესაბამისი უნარ-ჩვევების გამომუშავებით;

- ❖ ფუნდამენტური, პრეკლინიკური და კლინიკური დეპარტამენტების სასწავლო, სამედიცინო-კვლევითი და პრაქტიკული (კლინიკური, ლაბორატორიული და სხვ.) მუშაობის კოორდინაცია;

- ❖ ევროპული კრედიტების ტრანსფერისა და დაგროვების სისტემის (ECTS) შესაბამისი შინაარსის, ორიენტაციისა და სტრუქტურის პროგრამებისა და კურიკულუმების შემუშავება, დანერგვა და განვითარება;

- ❖ საერთაშორისო სასწავლო და სამედიცინო-კვლევით ცენტრებთან კოოპერაცია და ერთობლივი სამედიცინო-კვლევითი პროექტების განხორციელება;

- ❖ სასწავლო და სამედიცინო-კვლევითი მუშაობის ფინანსური და მატერიალურ-ტექნიკური უზრუნველყოფა;



- ❖ სახელმძღვანელოების, მეთოდური რეკომენდაციებისა და გაიდლაინების შექმნის ხელშეწყობა, დამტკიცება და განვითარება თანამედროვე მეთოდების შესაბამისად;

- ❖ პროფესორ-მასწავლებელთა სამეცნიერო და პრაქტიკული საქმიანობის ხელშეწყობა.

თბილისის სახელმწიფო სამედიცინო უნივერსიტეტი მზადია, მაღალი სტანდარტის სამედიცინო განათლება მისცეს ყველა სტუდენტს. ის საუკეთესო პლაცდარმია წარმატებული კარიერის შესაქმნელად.

მედიცინისა და სტომატოლოგიის საერთაშორისო ფაკულტეტი სტუდენტებს სთავაზობს მაღალი დონის სამედიცინო და სტომატოლოგიურ განათლებას და კლინიკაში პრაქტიკულ მეცადინეობებზე ორიენტირებულ სწავლებას. მედიცინისა და სტომატოლოგიის საერთაშორისო ფაკულტეტის გუნდი ზრუნავს თითოეული სტუდენტის განათლებაზე, ეხმარება მათ სოციალიზაციაში, გულთან მიაქვს მათი პრობლემები, იქნება ეს სწავლასთან დაკავშირებული თუ პირადი ხასიათის, რადგან მათ უკეთ შეძლონ გამკლავება თანამედროვეობის გამოწვევებთან და დასახული მიზნების სრულყოფა – „სტრადიციებით მომავლისაკენ“.

კიდევ ერთხელ გილოცავთ და წარმატებებს გისურვებთ!

ასოცირებული პროფესორი დავით თოფჩია, მედიცინის და სტომატოლოგიის საერთაშორისო ფაკულტეტის დეკანი

საუნივერსიტეტო ცხოვრების ქიმიკა



გილოცავთ ახალ 2025-2026 სასწავლო წელს



თბილისის სახელმწიფო სამედიცინო უნივერსიტეტში ტრადიციულად ხორციელდება ინოვაციური და წარმატებული პროექტები. მათ შორის გამორჩეულ ადგილს იკავებს დიპლომირებული მედიკოსის ამერიკული პროგრამა. პროგრამა ემორის უნივერსიტეტის (აშშ, ატლანტა) მედიცინის სკოლასთან (ESOM) ერთად შემუშავდა და 2013 წლიდან ფუნქციონირებს. მისი მიზანია დასავლური სტანდარტების შესაბამისი, სრულად ინტეგრირებული სამედიცინო განათლების მიწოდება.

პროგრამის დაგეგმვასა და იმპლემენტაციაში აქტიურად არიან ჩართულნი ემორის უნივერსიტეტის პროფესორები და ადმინისტრაციის წარმომადგენლები: ემორის მედიცინის სკოლის ასისტენტ-დეკანი სამედიცინო განათლების სფეროში, მიკრობიოლოგიისა და იმუნოლოგიის პროფესორი გორდონ ჩერჩი-ნორდი; „გახდი ექიმის“ კურსის ხელმძღვანელი, ონკოლოგიის პროფესორი მერი ჯო ლეკოვიჩი; კლინიკური განათლების ასოცირებული დეკანი ჯოელ ფელნერი და სხვები. ისინი ხშირად სტუმრობენ საქართველოს და მუშაობენ უნივერსიტეტის აკადემიურ პერსონალთან და სტუდენტებთან.

ორმხრივი ურთიერთობის ფარგლებში, პროგრამის სპეციფიკის ადგილზე გასაცნობა და შესაბამისი მეთოდოლოგიის ასათვისებლად, მუდმივად ხორციელდება პროგრამაში ჩართული აკადემიური პერსონალის ვიზიტი აშშ-ში, ემორის უნივერსიტეტის მედიცინის სკოლაში.

სწავლის დასრულების შემდეგ კურსდამთავრებულს ენიჭება დიპლომირებული მედიკოსის აკადემიური ხარისხი (MD). წარჩინებულ სტუდენტებს საშუალება ეძლევათ, სწავლის, კვლევისა და პრაქტიკული საქმიანობის გარეკვეთულ ეტაპებზე გაიარონ აშშ-ში, ემორის უნივერსიტეტში.

აღსანიშნავია, რომ თბილისის სახელმწიფო სამედიცინო უნივერსიტეტის კურსდამთავრებულებს ყოველთვის ჰქონდათ აშშ-ისა და სხვა საერთაშორისო სალიცენზიო გამოცდების ჩაბარების შესაძლებლობა, თუმცა საამისოდ დამატებითი მომზადება სჭირდებოდათ. დიპლომირებული მედიკოსის ამერიკული პროგრამის სტუდენტებს კი სალიცენზიო გამოცდებისთვის მომზადება და წარმატებით ჩაბარება უნივერსიტეტში სწავლის განმავლობაში შეუძლიათ, რადგან ამ კუთხით სტუდენტების მხარდაჭერა და ხელშეწყობა პროგრამის ერთ-ერთი პრიორიტეტია. სწავლის პერიოდშივე ამერიკის შერეული შტატების სამედიცინო ლიცენზირების გამოცდების (USMLE – United States Medical Licensing Examination) წარმატებით ჩაბარება სტუდენტს საშუალებას აძლევს, დიპლომის შემდგომი განათლება და სპეციალური პროფესიული მომზადება გაიაროს როგორც საქართველოში, ისე მის საზღვრებს გარეთ, მათ შორის – აშშ-ში.

პროგრამას ჰყავს კურსდამთავრებულები და სტუდენტები, რომლებმაც (1/3-ზე მეტმა), სწავლის პარალელურად, აღნიშნული გამოცდის საფეხურები წარმატებით ჩააბარეს. უდიდესი შედეგი თბილისის სახელმწიფო სამედიცინო უნივერსიტეტის ამ სტუდენტებს, დიპლომირებული მედიკოსის ამერიკული პროგრამის დასრულების შემდეგ, არჩეული სპეციალობით აშშ-ში რეზიდენტურაში დასაქმებაში დაეხმარა. დღეისათვის პროგრამის 53 კურსდამთავრებული წარმატებით მოღვაწეობს აშშ რეზიდენტურის სხვადასხვა პროგრამაში. ჩვენმა სტუდენტებმა USMLE-ის გამოცდების ჩაბარებითა და მაღალი მაჩვენებლებით დაამტკიცეს, რომ თბილისის სახელმწიფო სამედიცინო უნივერსიტეტის დიპლომირებული მედიკოსის ამერიკული პროგრამა შესანიშნავად ამზადებს მათ ამერიკის შერეული შტატების სამედიცინო სალიცენზიო გამოცდის მაღალი შედეგებისა და მომდევნო კარიერული განვითარებისთვის. თბილისის სახელმწიფო სამედიცინო უნივერსიტეტი და ემორის უნივერსიტეტის მედიცინის სკოლა ამჟამინდელ მიწვევით!

თსუ-ის დიპლომირებული მედიკოსის ამერიკული პროგრამა ითვალისწინებს სამედიცინო საბაზისო, პრეკლინიკური და კლინიკური დისციპლინების სრულ ინტეგრაციას. ასეთი სწავლება სხვადასხვა სარგებელს იძლევა: საბაზისო საფეხურის ისწავლება კლინიკურ დისციპლინებთან ერთად, რაც სტუდენტს მოტივაციას აძლევს ბაზისური მედიცინის შესასწავლად. ინტეგრირებული სწავლების ერთ-ერთი მახასიათებელია საბაზისო საფეხურის შესწავლისას კლინიკური შემთხვევების (პაციენტის, სიმულირებული პაციენტის და კლინიკური შემთხვევის), ე.წ. ქეისის სახით უხვად დემონსტრირება. სწავლების პროცესში აქტიურად გამოიყენება თანამედროვე სწავლების მეთოდები: პრობლემაზე და შემთხვევაზე დაფუძნებული სწავლება, მტკიცებულებებზე დაფუძნებული მედიცინის სწავლება, შემთხვევის დემონსტრაცია ავადმყოფის/სიმულაციური ავადმყოფის მონაწილეობით და მულტიდისციპლინური გუნდის აქტიური ჩართულობით. ასეთი სწავლების ერთ-ერთი ძირითადი მიზანია სტუდენტის მიერ დამოუკიდებელი სწავლებისა და აზროვნების უნარ-ჩვევების განვითარება, რაც კურსდამთავრებულს დიპლომის შემდგომ პერიოდში გამოადგება მთელი სიცოცხლის მანძილზე. საქართველოსთვის ინოვაციური კლინიკური სწავლების, ე.წ. კლერკიფის, ამერიკული მოდელის დანერგვა დიპლომირებული მედიკოსის ამერიკულ პროგრამაში 2016-2017 სასწავლო წლიდან დაიწყო.



სტუდენტები სწავლის პირველ ეტაპზე, საბაზისო ბიოსამედიცინო საფეხურთან ერთად, სწავლობენ ჰუმანიტარულ მეცნიერებებს, როგორცაა: სოციალურ-კულტურული და სამედიცინო ანთროპოლოგია; მოდული – „კაცობრიობის შემოქმედებითობა“ (სერთიანებს ცივილიზაციის ისტორიას, მსოფლიო ლიტერატურასა და სახვით ხელოვნების ისტორიას); ფსიქოლოგია... გარდა ამისა, ამერიკული პროგრამის სასწავლო გეგმა მოიცავს მეტად საინტერესო სასწავლო კურსს – „გახდი ექიმს“, რომელიც 6 წლის მანძილზე თან სდევს კურიკულუმს და სტუდენტებს სწავლების პრაქტიკისთვის (ვენტრი, ამბულატორიული ზოგადი საექიმო უნარ-ჩვევებისა და კლინიკური აზროვნების ჩამოყალიბებას კლინიკურ გარემოში (თსუ-ის კლინიკური უნარ-ჩვევებისა და სიმულაციური გარემოში, ამბულატორიული და საუნივერსიტეტო და აფილირებულ კლინიკებში). სწავლების პროცესში აქტიურადაა ჩართული პროფესორ-მასწავლებლებისა და სტუდენტებისგან შემდგარი სამუშაო ჯგუფი – ე.წ. კურიკულუმის კომიტეტი, რომელიც პერიოდულად განიხილავს როგორც მიმდინარე, ისე პროგრამის მომავალი განვითარების საკითხებს.

ძალიან სასიხარულოა, რომ თსუ-სა და ემორის უნივერსიტეტის მედიცინის სკოლას შორის დადებული ორმხრივი შეთანხმება ითვალისწინებს კლინიკური სწავლების ნაგებში ჩვენი სტუდენტებისთვის ემორის კლინიკური როტაციების გავლის შესაძლებლობას. გარდა ამისა, ურთიერთშეთანხმება საშუალებას აძლევს ემორის უნივერსიტეტის მედიცინის სკოლის სტუდენტებს კლინიკური როტაცია გაიარონ არა მხოლოდ ემორის უნივერსიტეტში, არამედ მის პარტნიორ უნივერსიტეტებში.

კვლევითი კომპონენტი დიპლომირებული მედიკოსის ამერიკული პროგრამის ერთ-ერთი მნიშვნელოვანი ნაწილია. აღსანიშნავია, რომ 2016 წლის გაზაფხულზე თბილისის სახელმწიფო სამედიცინო უნივერსიტეტსა და აშშ-ის ვოლტერ რიდის არმიის კვლევით ინსტიტუტის საქართველოს წარმომადგენლებს შორის გა-

ფორმა მეგობრულად შედგენილი დანსებულება განთავსებულია რიჩარდ ლუგარის სახელობის საზოგადოებრივი ჯანდაცვის ცენტრალური რეფერალური ლაბორატორიის ცენტრში. პროექტის ფარგლებში განხორციელებული თანამშრომლობით ვოლტერ რიდის არმიის კვლევით ინსტიტუტს მნიშვნელოვანი წვლილი შეაქვს ქართული სამედიცინო განათლებისა და სამეცნიერო კადრების მომზადებაში – უპირველესად, თსუ-ის ამერიკული პროგრამის ფარგლებში.

ჩვენი პროგრამის უდიდეს ტრადიციას „ეთერი ხალათების ცერემონია“ წარმოადგენს. სწორედ ამ პომპეზური ღონისძიებით ეგებებიან და გზას ულოცავენ ამერიკული პროგრამის პირველ-სემესტრელებს არა მხოლოდ უნივერსიტეტისა და პროგრამის ადმინისტრაციის წარმომადგენლები, არამედ პროგრამის მუდმივი მხარდამჭერები – მათ შორის, საქართველოში აშშ-ის საელჩოდან, ვოლტერ რიდის სამეცნიერო-კვლევითი ცენტრიდან, ემორის უნივერსიტეტის პროფესორები და სხვა საგანგებო სტუმრები.

სასწავლო წლის დასასრულს თსუ-ში, ტრადიციულად, იმართება დიპლომირებული მედიკოსის ამერიკული პროგრამის ბოლო სემესტრის სტუდენტების გამოსაშვები ცერემონია. ღონისძიებისას უმნიშვნელოვანესი როლი ენიჭება საგანგებო, კარიერაში წარმატებულ და სამაგალითო, ყველასთვის კარგად ცნობილ სტუმარს, რომელიც წარმატების მისულ საიდუმლოს უზიარებს კურსდამთავრებულებს. გამოსაშვები ღონისძიება 2019 წლიდან ტრადიციად იქცა და ყოველ წელს პომპეზურად აცილებს დიპლომირებული მედიკოსის ამერიკული პროგრამის კურსდამთავრებულებს.

საქართველო, აშშ, ინდოეთი, შრი-ლანკა, არაბეთის გაერთიანებული საემიროები, ისრაელი, ბრაზილია, სამხრეთ კორეა – ეს იმ ქვეყნების არასრული ჩამონათვალია, რომელთა წარმომადგენლებიც ჩვენი პროგრამის სტუდენტები არიან.

დღეს უკვე შეგვიძლია მოგმართოთ როგორც ამ წარმატებული გუნდის ერთ-ერთ წევრს, რომელმაც დიდი შრომა ჩაღო თავისი მიზნის განხორციელებისთვის. თსუ-ის დიპლომირებული მედიკოსის ამერიკული პროგრამა გაძლევთ შესაძლებლობას, თავად გახდეთ ზემოაღნიშნული შესაძლებლობებისა და პერსპექტივის მონაწილე. მომავალი 6 წლის განმავლობაში პროგრამა სწორი მიმართულებით სვლას გასწავლით, რომელიც აუცილებლად მიგყვანთ დანიშნულების ადგილამდე. გილოცავთ, 2025-2026 სასწავლო წელს თქვენ შეუერთდით უძლიერეს ჯგუფს დიდი პერსპექტივით! გისურვებთ წარმატებულ სვლას ამ გზაზე!

ასოცირებული პროფესორი ეას პაპლაძე, დიპლომირებული მედიკოსის აკადემიური პროგრამის დირექტორი

საუნივერსიტეტო ცხოვრების ქიზიკა

GIORGIO KHAKHADZE, MD St. Elizabeth's Medical Center Internal Medicine MA, USA	MARY ANN BONIFACE, MD Mercy Health Fairfield Hospital Internal Medicine OH, USA	NARENDRA NATH RAJUL, MD Atrix Health System Family Medicine OH, USA	ELENE PESTVENITSE, MD Ascension St. Francis Internal Medicine IL, USA	NITHESH HARRIHARAN, MD Jacoit Medical Center Easton College Internal Medicine NY, USA
ELENE SHAVILIDZE, MD University of Connecticut Internal Medicine CT, USA	GIORGIO JIANAKHSHILLI, MD Wellstar Cobb Medical Center Internal Medicine GA, USA	HONAZA ASBERI, MD Northwest Healthcare Family Medicine AZ, USA	AALIP ZAHEDI, MD SSM Health Loyd University Child Neurology MO, USA	LUKA NATASHIDZE, MD The Weight Center GME Internal Medicine PA, USA
NANA KOBZASHVILI, MD Ascension St. Vincent Hospital Indianapolis Internal Medicine IN, USA	NINA VASHINIDZE, MD Mercy Health South Hospital Cincinnati Internal Medicine OH, USA	RATI TRIBEKIDASHVILI, MD University of Texas Southwestern Child Neurology TX, USA	SHLOME SHVILIDZE, MD Lumina Health St. Louis Southwestern Internal Medicine MO, USA	AADIL AHMED AMEER SHAHIN, MD The Weight Center GME Internal Medicine GA, USA



ვიცოცავთ ახალ 2025-2026 სასწავლო წელს



ძვირფასო პირველსემესტრელებო!

გილოცავთ სტუდენტობას, უდიდეს გამარჯვებას თქვენი ცხოვრების გზაზე პროფესიული წინსვლისკენ! საამაყოა, იყო თბილისის სახელმწიფო სამედიცინო უნივერსიტეტის სტომატოლოგიის ფაკულტეტის სტუდენტი, გახდეთ ამ დიდი ოჯახის წევრი, ჩაერთოთ საინტერესო სტუდენტურ ცხოვრებაში.

თბილისის სახელმწიფო სამედიცინო უნივერსიტეტის სტომატოლოგიის ფაკულტეტი ჩვენს ქვეყანაში მაღალკვალიფიციური აკადემიური და საექიმო კადრის ზრდის ტრადიციული, პოპულარული და წარმატებული კერაა; ამის უტყუარი დასტურია ფაკულტეტის პროფესორის მაღალი პროფესიული და სამეცნიერო რეპუტაცია, სტომატოლოგიის ფაკულტეტზე სწავლის მსურველი ახალგაზრდების რაოდენობის განუზრელი ზრდა, კურსდამთავრებულთა მაღალი რეიტინგი, პოტენციური დამსაქმებლების დიდი პროფესიული ინტერესი და მათდამი ნდობა.

ვიმედოვნებ, რომ თქვენი სახით სტომატოლოგიის ფაკულტეტს კიდევ ერთი ღირსეული თაობა შეემატა. ჩვენც მზად ვართ,



შესაბამისად ვუპასუხოთ თქვენს მოთხოვნებს ცოდნის შექმნასთან დაკავშირებით.

თქვენ მიერ არჩეული ფაკულტეტი გამორჩეულია საამაყო ტრადიციებით. დიპლომირებული სტომატოლოგის საგანმანათლებლო პროგრამაში დეკლარირებული მიზნების, ამოცანებისა და სწავლის შედეგების მიღწევის მიზნით, პროგრამის უურიკულუმი აგებულია ე.წ. თეორიული და პრაქტიკული მეცადინეობების თანმიმდევრული, პრერეკვიზიტული ჯაჭვის სახით. ამავე დროს, სტუდენტები აკადემიური პროცესის აქტიური მონაწილენი არიან, რამეთუ,

სწორედ ესაა სტუდენტზე ორიენტირებული სასწავლო პროცესის განმსაზღვრელი არსი. სტომატოლოგის ჩამოსაყალიბებლად გადაწყვეტი მნიშვნელობა ენიჭება კლინიკურ ბაზებს. უნივერსიტეტის ხელმძღვანელობა ძალ-ღონეს არ იშურებს, რომ სასწავლო პროცესი მიმდინარეობდეს თანამედროვე სტანდარტებით ალტერნატიული და გამართულ კლინიკურ ბაზებზე. სწორედ ამის დასტურია მაღალპროფესიული კადრებით დაკომპლექტებული საუნივერსიტეტო სტომატოლოგიური კლინიკები, სადაც სტუდენტები ფანტომებზე ითვისებენ პრაქტიკულ უნარ-ჩვევებს, მონაწილეობენ კლინიკური შემთხვევების განხილვაში, ესწრებიან ლექციებს, სემინარებს, პრაქტიკულ-ლაბორატორიულ მეცადინეობებს, ამუშავენ რეფერატებს და პრეზენტაციებს, ჩართულნი არიან პრაქტიკულ საქმიანობაში საუნივერსიტეტო კლინიკურ ბაზებზე; აქ მათ აქვთ უნიკალური შესაძლებლობა, მიღებული ცოდნის განმტკიცების პარალელურად, პროფესორ-მასწავლებლებთან ერთად, ჩაერთონ პაციენტთა დიაგნოსტიკასა და მკურნალობაში, სრულყოფილ პაციენტთან დამოკიდებულების და კომუნიკაციის უნარები.

2009 წლიდან თბილისის სახელმწიფო სამედიცინო უნივერსიტეტში, პირველად სტომატოლოგიის ფაკულტეტზე, დაინერგა ობიექტურად სტრუქტურირებული კლინიკური გამოცდა — OSCE, სადაც ფასდება არა მხოლოდ თეორიული ცოდნა, არამედ სტუდენტის მიერ სწავლის პერიოდში ათვისებული პრაქტიკული უნარ-ჩვევები.

თბილისის სახელმწიფო სამედიცინო უნივერსიტეტს სისტემატურად სტუმრობენ პროფესორები მსოფლიოს სხვადასხვა ქვეყნიდან, რომლებიც სტომატოლოგიის ფაკულტეტის სტუდენტებისთვის კითხულობენ ლექციებს.

კიდევ ერთხელ გილოცავთ ამ დიდ წარმატებას, ჩვენ ერთ მიზანს ვემსახურებით: — თბილისის სახელმწიფო სამედიცინო უნივერსიტეტის სტომატოლოგიის ფაკულტეტის კურსდამთავრებული იყოს კონკურენტუნარიანი სპეციალისტი, ალტერნატიული ღრმა თეორიული ცოდნით და პრაქტიკული უნარებით, რაც საექიმო საქმიანობაში მისი წარმატების საწინდარია.

პროფესორი ნანა ყიფიანი, სტომატოლოგიის ფაკულტეტის დეკანი



პატივცემულო პირველსემესტრელებო!

გილოცავთ დიდ წარმატებას: თბილისის სახელმწიფო სამედიცინო უნივერსიტეტის სტუდენტობას და საზოგადოებრივი ჯანდაცვის ფაკულტეტის გუნდთან შემოერთებას!

თქვენ, ჯანდაცვაში თანამედროვე გლობალური გამოწვევების ფონზე, მიიღეთ სწორი და ქვეყნისათვის მნიშვნელოვანი გადაწყვეტილება. საზოგადოებრივი ჯანდაცვის სპეციალისტი დგას თითოეული ადამიანის ჯანმრთელობის სადარაჯოზე, მასზეა დამოკიდებული ადამიანის ჯანმრთელობის შენარჩუნება, სიცოცხლის გახანგრძლივება, მოსახლეობის ჯანმრთელობითი საჭიროებების კვლევა-შეფასება, ეფექტური გადანყვეტილებების მიღება და ახალი სტრატეგიების შექმნა.

საზოგადოებრივი ჯანდაცვის ფაკულტეტი მრავალ ათეულ წელს ითვლის. ფაკულტეტის პროფესორ-მასწავლებლების მიერ, რომლებიც ქვეყნის ჯანდაცვის სისტემაში მიმდინარე ცვლილებებისა და რეფორმების ავტორები და მონაწილენი არიან, შექმნილია პრაქტიკული რეკომენდაციები და მნიშვნელოვანი სამეცნიერო კვლევები.

ფაკულტეტის არაერთი კურსდამთავრებული დღეს თსუ-ის პროფესორ-მასწავლებელთა შორისაა, ასევე, მოღვაწეობს სახელმწიფო სტრუქტურებში და ქვეყნის ფარგლებს გარეთ. საზოგადოებრივი ჯანდაცვის სპეციალისტები ქმნიან ჯანმრთელობის სტრატეგიას ქვეყანაში.

საზოგადოებრივი ჯანდაცვის ფაკულტეტზე ხორციელდება საბაკალავრო, სამაგისტრო და სადოქტორო პროგრამები. სტუდენტების მრავალმხრივი განვითარება: პროფესიული ცოდნის, ლიდერობის, სამეცნიერო აზროვნების, ინდივიდუალური მისწრაფებების, პრაქტიკული და შემოქმედებითი უნარების ხელშეწყობა და განვითარება დღეს ფაკულტეტის ძირეული ამოცანაა, რომელიც თქვენთან ერთად უნდა გადავჭრათ თქვენი ჩართვით სტუდენტურ ცხოვრებაში.



უნდა გეამაყებოდეთ, რომ თსუ-ის საზოგადოებრივი ჯანდაცვის ფაკულტეტის სტუდენტები ხართ. თქვენზე დიდ იმედებს ვამყარებთ, როგორც ქვეყნის ჯანდაცვის სისტემის მომავალ მაღალკვალიფიციურ და მაღალკონკურენტუნარიან სპეციალისტებზე.

დღეს თსუ-ის საზოგადოებრივი ჯანდაცვის ფაკულტეტი სტუდენტებს სთავაზობს სხვადასხვა სასწავლო-სამეცნიერო პროექტში ჩართვას, როგორც ქვეყნის შიგნით, ისე — მის ფარგლებს გარეთ, ჩვენი პარტნიორები უნივერსიტეტების მეშვეობით, რომლებიც ფუნქციონირებენ: ინგლისში, ამერიკის შეერთებულ შტატებში, სლოვაკეთში, ბულგარეთში, ხორვატიაში, თურქეთში, პოლონეთში, ბალტიისპირეთში, საფრანგეთსა და სხვაგან..

ფაკულტეტის ადმინისტრაციის წარმომადგენლებისა და პროფესორ-მასწავლებლების სახელით, გილოცავთ სტუდენტის სტატუსს; იმედი მაქვს, უნივერსიტეტი და ფაკულტეტი გახდება თქვენთვის მშობლიური და ერთად ვივლით „ტრადიციებით მომავლისაკენ“.

პროფესორი შალვა (დავით) ზარნაძე, საზოგადოებრივი ჯანდაცვის ფაკულტეტის დეკანი

საუნივერსიტეტო ცხოვრების ქიონიკა



გილოცავთ ახალ 2025-2026 სასწავლო წელს



გილოცავთ, თქვენ გამარჯვებით, რადგან მოხვდით პრესტიჟულ, კლასიკური უმაღლესი სასწავლებლის ერთ-ერთ ტრადიციულ და დახვეწილ ფაკულტეტზე. აქ თითოეული დეპარტამენტი მრავალათეულ წელს ითვლის და დიდი ადამიანების სახელებს ინახავს.

ფარმაცია დინამიური და სწრაფად განვითარებადი, მომავლის ტექნოლოგიებზე დაფუძნებული დარგია. ფარმაცევტული მრეწველობისა და მეცნიერების განვითარების დონე მნიშვნელოვანწილად განაპირობებს ნებისმიერი ქვეყნის ეკონომიკურ წინსვლას და მოსახლეობის კეთილდღეობას.

მსოფლიო ფარმაცევტული ბაზრის მოცულობა ყოველწლიურად 10-15%-ით იზრდება. შესაბამისად, იზრდება მოთხოვნა ფარმაცევტულ კადრზე, იზრდება დასაქმებული ფარმაცევტების რიცხვი და მათი შრომის ანაზღაურებაც. ყველაზე დიდი ეკონომიკური კრიზისის დროსაც კი მოთხოვნა ფარმაცევტებზე არათუ მცირდება, არამედ, თითქმის 50%-ით აჭარბებს სხვა პროფესიის სპეციალისტებზე მოთხოვნას. ამიტომ ძალიან მნიშვნელოვანია შესაბამისი კომპეტენციის

მქონე, კონკურენტუნარიანი სპეციალისტების აღზრდა, რომლებიც შეძლებენ ეროვნულ და საერთაშორისო პროფესიულ საზოგადოებაში ჰარმონიულ ინტეგრაციას. სწორედ აღნიშნულის გათვალისწინებითაა შედგენილი ფარმაციის საბაკალავრო, სამაგისტრო და სადოქტორო პროგრამები.

სამედიცინო და ფარმაცევტული საქმიანობა განუყოფელია. ადამიანთა ჯანმრთელობის მსახურება ყველაზე მასშტაბურად სწორედ ფარმაციის ფაკულტეტის გავლითაა შესაძლებელი. თუ აფთიაქში იმუშავებთ, თქვენს ხელში ყოველდღიურად ასობით პაციენტი გაივლის, რომელთაც თქვენი პროფესიული რჩევა-დახმარება დასჭირდება; თუ ნაწლის ტექნოლოგები გახდებით, თქვენ მიერ დამზადებული ნაწალი ათასობით ადამიანს გადაარჩენს; თუ ნაწლის ხარისხის კონტროლის სისტემაში იმუშავებთ, ხარისხიანი და უსაფრთხო მედიკამენტებით უზრუნველყოფთ მოსახლეობას; თუ ნარკოლოგიურ და ტოქსიკოლოგიურ ანალიზს აირჩევთ, თქვენი დასკვნები ჯანსაღი თაობის აღზრდას და სამართლიანი განაჩენის გამოტანას შეუწყობს ხელს. არჩევანი, პრაქტიკული და სამეცნიერო წინსვლის პერსპექტივა, ძალიან დიდია.

დღეს ჩვენთან ხართ და ეს ბედნიერებაა. დაამტკიცეთ, რომ გამარჯვებულები ხართ! შეეცადეთ, შეინარჩუნოთ მოპოვებული გამარჯვება და ბრძოლის უნარი.

კეთილი იყოს თქვენი მობრძანება „დიდურ“ ცხოვრებაში! სკოლაში უსასრულოდ იწვლება დრო. უნივერსიტეტში კი თვალის დახამამებასაც ვერ ასწრებ, რომ უკვე კურსდამთავრებული ხარ. დღეიდან თქვენ გვერდით მსხდომნი, თქვენი მომავალი კოლეგები და, შესაძლოა, თქვენი ცხოვრების მეგობრებიც არიან. თქვენი მასწავლებლები – თქვენი უფროსი კოლეგები, მეგობრები, გზის მაჩვენებლები. აიმაღლეთ მოტივაცია! შეხედეთ ყველაფერს მომავლიდან, დაამყარეთ სწორი კავშირები, მოახდინეთ შთაბეჭდილება, ისწავლეთ და განვითარდით. ბევრი რამ, რაც დღეს უმნიშვნელოდ და უინტერესოდ მოგეჩვენებათ, მომავალში შეიძლება ძალიან გამოგადგეთ. გაიზიარეთ უფროსკურსელთა გამოცდილება, დაალაგეთ პრიორიტეტები და ყველაფერს მოასწარეთ.

ახლა თქვენ გაქვთ ყველაფრის კეთების საუკეთესო პერიოდი. გამოიჩინეთ ინიციატივა! დაესწარით თქვენთვის საინტერესო ღონისძიებებს, ღია ლექციებს, მიიღეთ მო-



წანილობა კვლევით პროექტებში, კონფერენციებში, ჩართეთ სტუდენტურ ორგანიზაციებში, სახელოვნებო წრეებში. ეძიეთ საკუთარი თავი, დაისახეთ მიზანი და აუცილებლად იპოვით გზას.

ჩვენ კი თქვენ გვერდით გვიგულეთ – პრობლემების მოგვარებაში ყოველთვის დაგეხმარებით, თუმცა, სწავლაში შეღავათს ვერ გაგინებთ და ისევ თქვენს საკეთილდღეოდ! მინდა გზა დაგილოცოთ! წინ საინტერესო სტუდენტური წლები და, რაც მთავარია, წარმატებული ცხოვრება გელით!

პროფესორი თამარ ჩიპილაძე, ფარმაციის ფაკულტეტის დეკანი

ძვირფასო პირველსემესტრელებო, მაქვს პატივი მოგილოცოთ თქვენი ცხოვრების ახალი და, ამავე დროს, განსაკუთრებული ეტაპის დაწყება. თქვენ აირჩიეთ უმნიშვნელოვანესი, რთული და დინამიკური სამედიცინო დარგი, რომლის მიზანია დაავადებით ან დაზიანებით განპირობებული ფუნქციური შეზღუდვის სამედიცინო და სარეაბილიტაციო მართვა ფუნქციური პოტენციალისა და ცხოვრების ხარისხის გაუმჯობესებისათვის.

დღეს მსოფლიო ახალი გამოწვევების წინაშე დგას, რაც კიდევ უფრო მნიშვნელოვანს ხდის ჯანდაცვის სფეროს და ამ სფეროში უმაღლესი განათლების სისტემის მომდევნო განვითარებას.

თბილისის სახელმწიფო სამედიცინო უნივერსიტეტის ფიზიკური მედიცინის და რეაბილიტაციის ფაკულტეტი სწრაფი ტემპით განვითარებადი ფაკულტეტია. თანამედროვე სამედიცინო რეაბილიტაცია ეფექტური ჯანდაცვის უმნიშვნელოვანესი კომპონენტია, ხოლო სარეაბილიტაციო მართვა, უახლესი მიდგომების გამოყენებით, მოითხოვს მაღალი ხარისხის პროფესიონალიზმს, ცოდნის მუდმივ გაღრმავებას და განახლებას. თქვენ შეისწავლით რეაბილიტაციის პრინციპებს და პროგრამებს, რეაბილიტაციის სისტემის ორგანიზაციას და პრაქტიკას, დაეუფლებით თანამედროვე სარეაბილიტაციო მეთოდებს და ტე-



ქნოლოგიებს. ფაკულტეტის აკადემიური პერსონალი დაგეხმარებათ თქვენი ინტელექტუალური შესაძლებლობების რეალიზებაში, უახლესი ცოდნის, პრაქტიკული უნარ-ჩვევების და გამოცდილების შეძენაში, რაც მეტად მნიშვნელოვანია პროფესიული კარიერის განმავლობაში, მეცნიერულად დასაბუთებული მეთოდებისა და ტექნოლოგიების გამოყენებით, რთული კლინიკური პრობლემის ეფექტურად გადაწყვეტის პროცესში.

თანამედროვე ჯანდაცვა სულ უფრო მეტად ემყარება მედიცინის სხვადასხვა სფეროს წარმომადგენელთა თანამშრომლობას და გუნდურ მუშაობას უსაფრთხო მართვის და საუკეთესო შედეგის მისაღწევად. თქვენ დაეუფლებით გუნდური მუშაობის პრინციპებს, გახდებით კომპეტენტურ და კრეატიულ პროფესიონალთა მულტიდისციპლინური გუნდის წევრი და იმოქმედებთ დინამიკურ სამედიცინო გარემოში. თქვენ შეიძენთ სამეცნიერო კვლევის უნარ-ჩვევებს

და ჩაერთვებით სტუდენტური სამეცნიერო პროექტების განხორციელებაში. ამასთანავე, მოგეცემათ საშუალება, მონაწილეობა მიიღოთ საერთაშორისო გაცვლით პროგრამებში და ეზიაროთ დარგის უახლეს მიღწევებს ევროპის სხვადასხვა უნივერსიტეტში.

უნივერსიტეტის ხელმძღვანელობა მუდმივად ზრუნავს ფაკულტეტის გაძლიერებაზე და მისი კლინიკური ბაზების თანამედროვე სტანდარტებით აღჭურვაზე. მომავალ პროფესიას დაეუფლებით უნივერსიტეტის სხვადასხვა თეორიულ თუ კლინიკურ დეპარტამენტში, თსსუ-ის საუნივერსიტეტო და უნივერსიტეტთან აფილირებულ კლინიკებში, სადაც ყველა პირობაა შექმნილი აკადემიური პროცესის სრულყოფილად განხორციელებისათვის, ისევე როგორც ნაყოფიერი სამეცნიერო და კლინიკური მუშაობისთვის, მათ შორის, აღსანიშნავია კენ ვოლკერის სახელობის საუნივერსიტეტო სარეაბილიტაციო კლინიკა, რომელიც ტექნიკური აღჭურვილობით, ინფრასტრუქტურული თუ ადამიანური რესურსით, სრულიად უნიკალური და მონიშნავს საქართველოში.

ფიზიკური მედიცინის და რეაბილიტაციის ფაკულტეტს გააჩნია მჭიდრო კავშირი ევროპის და აშშ-ის უნივერსიტეტებთან. ჩვენს ფაკულტეტზე სისტემატურ ხასიათს ატარებს ამერიკელი პროფესორების ვიზიტები და ლექცია-სემინარები. განსაკუთრებული მნიშვნელობა ენიჭება როგორც

დიპლომამდელი, ისე დიპლომის შემდგომი საგანმანათლებლო პროგრამების განვითარებაში ამერიკელ პარტნიორებთან თანამშრომლობას, კერძოდ, ემორის უნივერსიტეტის (ატლანტა, აშშ) სამედიცინო სკოლის ფიზიკური თერაპიის პროგრამის წამყვანი აკადემიური პერსონალის ჩართულობასა და კოლაბორაციას.

მნიშვნელოვანია ფაკულტეტის სტუდენტთა მზარდი ჩართულობა საერთაშორისო გაცვლით პროგრამებში, ERASMUS+ პროექტის ფარგლებში, საერთაშორისო ტრენინგებსა და ფაკულტეტის კლინიკური დეპარტამენტების მიერ შეთავაზებულ სტაჟირებებში.

მჯერა, მომავალი ოთხი წლის განმავლობაში, ცოდნის გაღრმავებასთან ერთად, გაძლიერდება თქვენი თანადგომა და პასუხისმგებლობის გრძნობა პაციენტის ჯანმრთელობის მდგომარეობის მიმართებით. დარწმუნებული ვარ, თქვენ შორის იქნება ბევრი წარმატებული რეაბილიტოლოგი, რაც მტკიცე საფუძველს შეუქმნის დარგის განვითარებას.

კიდევ ერთხელ გილოცავთ და გისურვებთ წარმატებებს!

პროფესორი ლელა მასხალია, ფიზიკური მედიცინის და რეაბილიტაციის ფაკულტეტის დეკანი

საექთნო საქმის და სამეანო საქმის საბაკალავრო პროგრამების პირველსემესტრელების არჩევანი ხელს შეუწყობს საქართველოში შესაბამისი კვალიფიკაციის სამედიცინო პერსონალზე არსებული მკვეთრი დეფიციტის შევსებას. ხარისხიანი სამედიცინო სერვისის განხორციელება, წარმატებული საექიმო საქმიანობა, შეუძლებელია კომპეტენტური ექთნის და მეანი ექთნის გარეშე. თბილისის სახელმწიფო სამედიცინო უნივერსიტეტი საშუალებას გაძლევთ იყოთ კონკურენტუნარიანი და წარმატებული.

თბილისის სახელმწიფო სამედიცინო უნივერსიტეტი არის პირველი და ჯერჯე-

რობით ერთადერთი უნივერსიტეტი საქართველოს უმაღლესი განათლების სივრცეში, რომელიც ახორციელებს საექთნო საქმის და სამეანო საქმის ქართულენოვან საბაკალავრო პროგრამებს. გლობალური ტენდენციებიდან გამომდინარე, თანამედროვე საექთნო საქმე მეცნიერება და ხელოვნებაა, ის მოითხოვს კვლევაზე და მტკიცებულებაზე დაფუძნებული პრაქტიკის წარმოებას, ჰუმანიტარული, ფიზიკური, ბიოლოგიური, ქცევითი მეცნიერებების მომცველ სპეციფიკურ საექთნო ცოდნას



მრავალფეროვნებით, ამბულატორიული მოვლის საჭიროების გაზრდით და შინმოვლის სერვისის განვითარებით. ყოველივე ეს თქვენს პროფესიას ხდის მოთხოვნადს და პერსპექტიულს.

საექთნო საქმის და სამეანო საქმის საბაკალავრო პროგრამების კურსდამთავრებულებს შეუძლიათ დასაქმდნენ სხვადასხვა დონის დიაგნოსტიკურ, სამკურნალო, პროფილაქტიკურ, რეპროდუქციული ჯანმრთელობის და სარეაბილიტაციო დაწესებულებებში. პროგრამის კურსდამთავრებულებს შეუძლიათ სწავლა გააგრძელონ მაგისტრატურაში.

თქვენ სწორი არჩევანი გააკეთეთ. გისურვებთ პროფესიულ ზრდას, წინსვლას და წარმატებებს.

ასისტენტ-პროფესორი მადამ ჯღარაკაძე, ფიზიკური მედიცინის და რეაბილიტაციის ფაკულტეტის დეკანი

საუნივერსიტეტო ცხოვრების ქიონიკა



ვიცოცავთ ახალ 2025-2026 სასწავლო წელს



ყველას, განსაკუთრებით კი პირველსემესტრელებს, გილოცავთ ახალი სასწავლო წლის დაწყებას და წარმატებებს გისურვებთ სწავლასა და საქმიანობაში!

საერთაშორისო ურთიერთობების დეპარტამენტი მუდმივად მზადაა, თითოეული სტუდენტისთვის ხელმისაწვდომი გახადოს ყველა ის სიკეთე, რაც საერთაშორისო ურთიერთობების განვითარებას სდევს თან.

საერთაშორისო ურთიერთობების დეპარტამენტი თბილისის სახელმწიფო სამედიცინო უნივერსიტეტის ერთ-ერთი მნიშვნელოვანი სტრუქტურული ერთეულია, რომლის ძირითადი მიზანია უნივერსიტეტის ინტერნაციონალიზაციის პროცესის ხელშეწყობა, რაც გულისხმობს საერთაშორისო ურთიერთობების განვითარებას გლობალური მასშტაბით.

სამედიცინო უნივერსიტეტში ინგლისურენოვანი საგანმანათლებლო პროგრამებს განვითარების თითქმის ოცდაათწლიანი ისტორია აქვს. ჩვენთან სხვადასხვა ქვეყნის მოქალაქეები ინგლისურ ენაზე 1996 წლიდან იღებენ განათლებას მედიცინის ფაკულტეტზე; 2008 წლიდან – ფიზიკური მედიცინისა და რეაბილიტაციის ფაკულტეტზე; 2013 წლიდან – ფარმაციის ფაკულტეტზე, 2017 წლიდან – სტომატოლოგიის ფაკულტეტზე. 2012 წლიდან მედიცინისა და სტომატოლოგიის ფაკულტეტებზე უცხოეთის მოქალაქეებისთვის დიპლომირებული მედიკოსის და დიპლომირებული სტომატოლოგის რუსულენოვანი პროგრამები ამოქმედდა.

2018 წელს თსსუ-ში გაიხსნა მედიცინის საერთაშორისო ფაკულტეტი, რომელსაც 2019 წელს სტომატოლოგიის ინგლისურენოვანი და რუსულენოვანი პროგრამები

შეუერთდა, აქედან გამომდინარე, სახელიც შეიცვალა და გახდა მედიცინისა და სტომატოლოგიის საერთაშორისო ფაკულტეტი.

2012 წელს საზოგადოებრივი ჯანდაცვის ფაკულტეტზე გაიხსნა და აქტიურად ვითარდება საბაკალავრო პროგრამა – „საზოგადოებრივი ჯანდაცვა და მენეჯმენტი“, რომელიც შემუშავდა გერნობლის (საფრანგეთი) მენეჯმენტისა და აღსრულების აკადემიასთან (UniMan) ერთად.

პროგრამის დასრულების შემდგომ გაიცემა ორმაგი დიპლომი – ქართული და ფრანგული, რაც კურსდამთავრებულთა დასაქმების და სწავლის გაგრძელების არეალს აფართოებს და მიმზიდველს ხდის.

2015 წლიდან, თბილისის სახელმწიფო სამედიცინო უნივერსიტეტისა და UniMan-ის ძალისხმევით, საზოგადოებრივი ჯანდაცვის ფაკულტეტზე შეიქმნა ერთობლივი საერთაშორისო ინგლისურენოვანი სამაგისტრო პროგრამა – „საზოგადოებრივი ჯანმრთელობის მენეჯმენტი და ჯანდაცვის პოლიტიკა“.

2013 წელს თბილისის სახელმწიფო სამედიცინო უნივერსიტეტში ამოქმედდა დიპლომირებული მედიკოსის ამერიკული პროგრამა, რომელიც შემუშავდა და ხორციელდება ემორის უნივერსიტეტის მედიცინის სკოლის მხარდაჭერით (აშშ, ატლანტა).

ტიროლის კლინიკების გაერთიანების დასავლეთის საგანმანათლებლო ცენტრს AZW (ავსტრია) და თბილისის სახელმწიფო სამედიცინო უნივერსიტეტს შორის გაფორმებული ხელშეკრულების საფუძველზე, 2015 წელს ამოქმედდა საგანმანათლებლო პროგრამა ექთნებისთვის, რომელიც ქართველ ექთნებს საშუალებას აძლევს სტაჟირება გაიარონ და საერთაშორისო გამოცდილება

მიიღონ ავსტრიის კლინიკებში.

ამჟამად, თსსუ-ის პარტნიორია 130-ზე მეტი უნივერსიტეტი და საუნივერსიტეტო კლინიკა მსოფლიოს 40-ზე მეტი ქვეყნიდან; მათთან თანამშრომლობა რეგულირდება ორმხრივი ხელშეკრულებებით და/ან ერთობლივი საერთაშორისო პროექტებით (ERASMUS+, HORIZON და სხვა).

ზემოაღნიშნული პროგრამებით, ყოველწლიურად, უნივერსიტეტის 300-ზე მეტი სტუდენტი, რეზიდენტი, აკადემიური და ადმინისტრაციული პერსონალი მონაწილეობს მოკლე თუ გრძელვადიან მოზილობის პროგრამებში განათლების დიპლომამდელ, სამაგისტრო და სადოქტორო საფეხურებზე.

უცხოეთის სამედიცინო უნივერსიტეტებიდან თსსუ-ის საუნივერსიტეტო კლინიკებში სტაჟირებაზე ჩამოდიან უცხოელი სტუდენტებიც. 2018 წლიდან დღემდე თსსუ-ის კლინიკებში სტაჟირება გაიარა 162-მა საერთაშორისო სტუდენტმა (ავსტრია, გერმანია, კანადა, უნგრეთი, ნორვეგია, ბელარუსი, საფრანგეთი, იტალია, ყაზახეთი, ეგვიპტე, ლიეტუვა, ლატვია, უკრაინა, პოლონეთი, ბულგარეთი).

თბილისის სახელმწიფო სამედიცინო უნივერსიტეტი შეტანილია WHO-ის და IMED-ის საერთაშორისო დირექტორიებში. თსსუ-ის კურსდამთავრებულებს, შესაბამისი სალიცენზიო გამოცდის/სკრინინგტესტის ჩაბარების შემდეგ (USMLE, PLAB, YOK და სხვა), ეძლევათ შესაძლებლობა, დასაქმდნენ ნებისმიერ ქვეყანაში.

2012 წლიდან სამედიცინო უნივერსიტეტში წარმატებით ხორციელდება პროგრამა, რომელიც გულისხმობს აშშ-ის, ევროკავშირის ქვეყნების, დიდი ბრიტანე-

თის, თურქეთის, ისრაელის უნივერსიტეტების წამყვანი პროფესორების მოწვევას. ამ პროგრამის ფარგლებში, 2012 წლიდან დღემდე, თბილისის სახელმწიფო სამედიცინო უნივერსიტეტში უცხოელი პროფესორების 600-მდე ვიზიტი განხორციელდა. ვიზიტის ფარგლებში, პროფესორებმა წაიკითხეს თემატური ლექციები საბაზისო და კლინიკური მედიცინის სხვადასხვა დარგში, ჩაატარეს კონსულტაციები და საქველმოქმედო ოპერაციები თსსუ-ის საუნივერსიტეტო კლინიკებში.


საინტერესო და დინამიური საგანმანათლებლო პროგრამები, კვალიფიციური პროფესორა, ეფექტური მენეჯმენტი, განათლებისა და საქმიანობის ინტერნაციონალიზაციის მაღალი სტანდარტი, თანამედროვე საგანმანათლებლო-კვლევითი ინფრასტრუქტურა თბილისის სახელმწიფო სამედიცინო უნივერსიტეტის საერთაშორისო ასპარეზზე მზარდი წარმატების განმსაზღვრელი ფაქტორებია.

ამჟამად, თსსუ-ში 3500-ზე მეტი საერთაშორისო სტუდენტი სწავლობს მსოფლიოს 84 ქვეყნიდან.

კიდევ ერთხელ გილოცავთ ახალი სასწავლო წლის დაწყებას და მზად ვართ, თქვენ გვერდით ვიყოთ განათლების მიღების ძალიან საპასუხისმგებლო გზაზე, ყველაფერი გააკეთოთ თითოეული სტუდენტის წარმატებულ პროფესიონალად ჩამოყალიბებისთვის.

საერთაშორისო ურთიერთობების დეპარტამენტი

საუნივერსიტეტო ცხოვრების ქიჩნიკა



გიგოცავთ ახალ 2025-2026 სასწავლო წესს



თბილისის სახელმწიფო სამედიცინო უნივერსიტეტში მოქმედებს კუვსუხისა და სპოხის ცენტრები. სადაც საშუალება მოგეცემათ სხვადასხვა გამოავინოთ შემოქმედებითი ნიჭი და სპოხი შესაძლებლობები სხვადასხვა მიმართულებით

კუვსუხის ცენტრთან ფუნქციონირებს:

სიმღერის და ცეკვის სახალხო დამსახურებული ანსამბლი - ქორეოგრაფიული ჯგუფი, მომღერალ ვაჟა გუნდი, ხალხურ საკრავთა ჯგუფი;
გოგონათა ტრადიციული სიმღერისა და მუსიკის ანსამბლი „დეკა“;
დრამატული სახალხო თეატრი „შიგია“;
თანამედროვე და ლათინურ-ამერიკული ცეკვების ანსამბლი „ვევა“;
კლასიკური მუსიკის ჯგუფი;
ვოკალური ანსამბლი;
ვოკალურ-ინსტრუმენტული ანსამბლი (ბენდი);
ჩამოყალიბების პროცესშია თსსუ-ის კაპელა.

სპოხის ცენტრთან ფუნქციონირებს შემდეგი სექციები:

კალათბურთის;
მინი-ფეხბურთის;
ფუტსალის;
მაგიდის ჩოგბურთის;
ფრენბურთის (გოგონები, ვაჟები);
ჭადრაკის;
ძალისმიერი სამჭიდის, მკლავჭიდის;
ბადმინტონის;
ხელბურთის.

ამასთან, სტუდენტების აქტიური დასვენებისა და სპორტული ცხოვრების განუყოფელი ნაწილია უახლესი ტექნიკით აღჭურვილი საკმაოდ ვრცელი (500მ²) სატრენაჟორო დარბაზი.



თეატრის მოყვარულებს „შიგია“ გეცით



დაინტერესებუდნა სცუდენცებმა მიმახთეთ:

თსსუ-ის კულტურის ცენტრს:
მე-3 სასწავლო კორპუსი, მე-3 სართული;
ტელ: 2 54 25 36 ; 599 57 92 69; ელ. ფოსტა: B.Matchavariani@tsmu.edu

თსსუ-ის სპორტის ცენტრს:
მე-3 სასწავლო კორპუსი, I სართული;
ტელ: 599 89 08 00; ელ.ფოსტა: G.Shubitidze@tsmu.edu

სპოხი და ხელოვნება თსსუ-ში



„სამედიცინო გაზეთის“ ტრადიცია

ვაჟა-ფშაველას გამზიხი №33, ოთახი №600, ტ. 254-24-64 ხედაქსოხი დედა მუკბანიანი
კოხესპონდენცები დახეჯან კომდაძე ტ.:558 17 08 47 ნაცო ბოღეჯაძე ტ.:555 28 28 97
ეც-ფოსტა newspaper@tsmu.edu